

Ustavni sud Bosne i Hercegovine u plenarnom sazivu, u sastavu: predsjednica Hatidža Hadžiosmanović, potpredsjednici Miodrag Simović, David Feldman i Valerija Galić, sudije Tudor Pantiru, Mato Tadić, Jovo Rosić, Constance Grewe i Seada Palavrić, na sjednici održanoj 7. jula 2006. godine, u predmetu broj **U-18/05**, rješavajući zahtjev **Sulejmana Tihica, predsjedavajućeg Predsjedništva Bosne i Hercegovine**, na osnovu člana VI/3.a) Ustava Bosne i Hercegovine, člana 17. stav 1. tačka 3. i člana 59. stav 2. alineja 1. Pravila Ustavnog suda Bosne i Hercegovine («Službeni glasnik Bosne i Hercegovine» broj 60/05), donio je

## **ODLUKU O DOPUSTIVOSTI**

Odbacuje se kao nedopušten zahtjev **Sulejmana Tihica, predsjedavajućeg Predsjedništva Bosne i Hercegovine** za ocjenu saglasnosti člana I/3. Ustava Bosne i Hercegovine sa članom 14. Evropske konvencije za zaštitu ljudskih prava i osnovnih sloboda u vezi sa članom 2. stav 1. Protokola broj 4 uz Evropsku konvenciju za zaštitu ljudskih prava i osnovnih sloboda, zbog toga što je podnosilac zahtjeva odustao od zahtjeva.

## **OBRAZLOŽENJE**

1. Sulejman Tihic predsjedavajući Predsjedništva Bosne i Hercegovine (u daljnjem tekstu: podnosilac zahtjeva), podnio je, 23. novembra 2005. godine, Ustavnom sudu Bosne i Hercegovine (u daljnjem tekstu: Ustavni sud) zahtjev za ocjenu saglasnosti člana I/3. Ustava Bosne i Hercegovine sa članom 14. Evropske konvencije za zaštitu ljudskih prava i osnovnih sloboda (u daljnjem tekstu: Evropska konvencija) u vezi sa članom 2. stav 1. Protokola broj 4 uz Evropsku konvenciju.

2. Pri ispitivanju dopustivosti zahtjeva Ustavni sud je pošao od odredaba člana VI/3.a) Ustava Bosne i Hercegovine i člana 17. stav 1. tačka 3. Pravila Ustavnog suda.

Član VI/3.a) Ustava Bosne i Hercegovine glasi:

---

*«Ustavni sud je jedini nadležan da odlučuje o bilo kojem sporu koji se javlja po ovom ustavu između dva entiteta, ili između Bosne i Hercegovine i jednog ili oba entiteta, te između institucija Bosne i Hercegovine, uključujući ali ne ograničavajući se na to:*

*- Da li je odluka entiteta da uspostavi poseban paralelan odnos sa susjednom državom u skladu sa ovim ustavom, uključujući i odredbe koje se odnose na suverenitet i teritorijalni integritet Bosne i Hercegovine.*

*- Da li je bilo koja odredba ustava ili zakona jednog entiteta u skladu sa ovim ustavom.*

*Sporove može pokrenuti član Predsjedništva, predsjedavajući Vijeća ministara, predsjedavajući, ili njegov zamjenik, bilo kojeg doma Parlamentarne skupštine; jedna četvrtina članova/delegata bilo kojeg doma Parlamentarne skupštine, ili jedna četvrtina članova bilo kojeg doma zakonodavnog organa jednog entiteta.»*

Član 17. stav 1. tačka 3. Pravila Ustavnog suda glasi:

*«Zahtjev nije dopustiv ako postoji neki od sljedećih slučajeva:*

*3. Podnosilac zahtjeva je odustao od zahtjeva;»*

3. Podnosilac zahtjeva je, 6. jula 2006. godine, obavjestio Ustavni sud da povlači zahtjev za ocjenu saglasnosti člana I/3. Ustava Bosne i Hercegovine sa članom 14. Evropske konvencije za zaštitu ljudskih prava i osnovnih sloboda (u daljnjem tekstu: Evropska konvencija) u vezi sa članom 2. stav 1. Protokola broj 4 uz Evropsku konvenciju.

4. Imajući u vidu odredbu člana 17. stav 1. tačka 3. Pravila Ustavnog suda, prema kojoj će se zahtjev odbaciti kao nedopušten ukoliko je podnosilac zahtjeva odustao od zahtjeva, Ustavni sud je odlučio kao u dispozitivu ove odluke.

5. U skladu sa članom VI/4. Ustava Bosne i Hercegovine, odluke Ustavnog suda su konačne i obavezujuće.

Predsjednica  
Ustavnog suda Bosne i Hercegovine  
Hatidža Hadžiosmanović